



# E faapefea ona tatou auai i le faatinoga o le “galuega ofoofogia” a le Alii?

**F**aatasi ai ma le tele o mea na aoao atu e le Faaola ia sa Nifae, sa Ia aoao atu foi i latou e uiga i le faapotopotoina o Isiraelu ma sa poloaiina i latou e suesue i tusitusiga paia ma ia tausia a latou lava faamaumauga. E mafai faapefea ona tatou mulimuli i nei aoaoga i le taimi nei?



## Suesue i Perofeta

Na poloai atu le Faaola ia sa Nifae e “suesue i perofeta” (3 Nifae 23:5). Ua ia i tatou le avanoa e faalogologo ai i le perofeta soifua ma isi taitai o le Ekalesia o lauga mai i konafesi aoao.

- O le a se mea e mafai ona e faia ina ia maua ai ni mea se tele mai le konafesi aoao?
- E faapefea e le “suesue i perofeta” ona fesoasoani ia i tatou i le faapotopotoina o Isiraelu?

## Aufaatasi i le Galuega

Na valoia e Iesu Keriso se “galuega ofoofogia” i aso gata ai (tagai i le 3 Nifae 21:9). O lene galuega o le faapotopotoina o Isiraelu. Na taua e Peresitene Russell M. Nelson lene mea “o le mea aupito taua o loo tupu nei i le lalolagi” ma sa ia saunoa, “Afai e te filifili e, pe afai e te mana'o ai, e mafai ona avea oe o se vaega tele o lene mea.”<sup>1</sup>

- E mafai faapefea e oe ma lou aiga ona aoao atili e uiga i le auai ai i le faatinoina o le faapotopotoina o Isiraelu?



## Tausi se Faamaumauga

Sa poloaiina e Iesu Ona soo sa Nifae e tausia se faamaumauga o Ana aoaoga ma valoaga a Samuelu le sa Lamana (tagai i le 3 Nifae 23:4, 6–13). E faapena foi, e mafai ona tatou tusi faamaumauga o tatou aafiaga i le olaga e fesoasoani ai ia i tatou e aoao atu isi.

- Pe o i ai ni aafiaga faaleagaga ua mavae e te lei faamaumauga?
- E mafai faapefea ona e tusi faamaumauga mea o loo aoao atu e le Atua ia te oe?



## FAAMATALAGA

1. Russell M. Nelson, “Faamoemoe o Isiraelu” (faigalotu a le autalavou i le lalolagi atoa, 3 Iuni, 2018), *HopeofIsrael.org*.